

安順府志卷之五十三  
藝文志詩上目錄

普定  
平壩南村

何景明  
夏景言

盤江行  
查城十五夜對月五首

何景明  
丁養浩

安莊道中  
經盤江次劉元瑞韻

楊慎  
李攀龍

羅甸曲二首  
送永甯許使君

許邦才  
徐中行

初至永甯  
盤江驛阻雨寄門人汪維

孫拯  
吳國倫

過盤江  
關索嶺

謝肇淛  
謝三秀

象鼻嶺  
平壩

謝三秀  
謝三秀

普定圓通寺登飛翠閣  
關嶺馬跑泉

謝三秀  
謝三秀

夜宿西屯人家  
安莊夜聞警

謝三秀  
謝三秀

安順府志

卷五十三

藝文志目錄

鐵橋告竣志喜  
鐵橋工竣次第建石城十二

朱家民  
朱家民

渡盤江鐵橋  
遊雙明洞

張瑞圖  
葛一龍

出普定  
雙明洞

黃閣  
王思任

讀鐵橋圖記  
渡鐵橋

楊繩武  
譚先召

同黃赤城訪高峯山  
乙未過盤江橋

吳中蕃  
王中蕃

關索嶺歌  
關索嶺漢將軍廟

朱茂時  
楓潭

黔中曲  
書永福寺壁

宋孝婦  
彭而述

盤江郵亭題壁  
關嶺

彭而述  
許延郡

盤江橋  
頂箐

程瑞  
譚瑞

初至平壩分堂視事  
水月庵訪友



水月庵

唐肇健

查城曲

林華皖

盤江曲

田田雯

關索嶺

田田雯

石花

黃黃

啞泉

許許

豬場晚眺

許許

梵刹巖

程天馥

關嶺

鄂爾泰

宿頂址

郎若伊

盤江

鄒一桂

明殉難

鄒一桂

前題

謝庭薰

馬跑泉

吳壽朋

觀白衣河瀑布歌

蔡琬

鐵索橋

宋如林

閩重九安順考棚口占

張經田

查城卽事

吳榮光

關索嶺

程恩澤

千峯山留題

宋如林

安順府志

張經田

卷之三

藝文志目錄

二

橡蘿十詠

前題

前題

貞女楊氏殉節詩

橡蘿十詠又橡利分類詩四十一首

劉祖憲

張經田

張經田

劉祖憲

張經田



安順府志卷之五十三

知安順府事長白常恩纂

藝文志十

詩上

明

普定

何景明

鼓絕掩山城。空堂思超忽。孤燈明夕帷。悄悄涼風發。落葉何飄蕭。飛螢互明沒。客窗臨古寺。坐待微鐘歇。

平壩南村

夏言

朝出城南村。策馬入荆杞。村中八九家。烟火自成里。兒童

安順府志

卷之五十三

藝文詩上

候晨光。稍稍荆扉啟。田隣務收穫。時復披草語。昵昵何所云。但云好禾黍。

秋陰結林霏。細雨灑茅室。牧放止近郊。牛羊不相失。廣園散花林。平疇藹風日。長幼不出門。咸知戀儔匹。喧喧車馬中。徒為慕高秩。懸輿當何時。可使志願畢。

沉沉古陂水。日暮寒更綠。隔阪見居人。蘿蔓纏草屋。摘禾留客飯。採薪伐枯木。童穉持竹竿。雨中放鷄鶩。區區化外國。猶得覩淳朴。

盤江行

何榮明

四山壁立色如赭。盤江橫流絕壁下。驚濤赴壑奔萬牛。峻



嶺懸空客一馬。危叢古樹何陰森。尋常行客誰敢臨。狂婦  
清晨出深洞。虎羣白晝行空林。沉潭之西多巨石。短棹輕  
舟安可適。日光射壁蠻烟黃。雨氣蒸江瘴波赤。土人行泣  
向我云。此地前年曾敗軍。守臣祇知需貨利。將士欲苟圖  
功勳。英雄謀策自有術。竄婦奸男何足論。營中鼓角連雲  
起。陣前臨山後臨水。烹牛醢酒自酣樂。傳箭遺弓尚驚喜。  
戰馬俱爲山下塵。征夫盡向江中死。遂令狐豕成其雄。屠  
邊下砦轉相攻。千家萬家鷄犬盡。十城五城烟火空。夕陽  
愁向盤江道。黃蒿離離白骨槁。魂入秋空結怨雲。血染春  
原長冤草。只今異域來歸王。高墩短塹俱已荒。牧童驅羊  
沾臆。

安順府志

卷之三

二

上瑩塚。田夫牽牛耕戰場。惟有行人長嘆息。聞說盤江淚  
查城十五夜對月五首  
何景明

中秋看月色。移席又前楹。河漢三更沒。關山萬里明。風烟  
依獨戍。砧杵閉空城。此夜高堂上。多應念遠征。

天上何所有。團團白玉盤。可憐秋半月。只是客中看。影直  
朱樓午。輪高青嶂寒。美人何處共。光影隔雲端。

驛舍東山下。閒吟月出歌。婆娑籠夕桂。窈窕入雲蘿。玉魄  
中天滿。清輝近水多。廣寒高幾許。臺殿鎖嫦娥。

小市無兼味。隣家酒亦悭。佳期三五夕。遠客萬里山。霄漢



分秋色。風塵照旅顏。去年當此夜。坐對紫薇間。  
我愛秋霄永。西林待月斜。百年幾圓缺。今夜倍光華。兄妹  
俱殊土。田廬有舊家。金波如客淚。獨洒向天涯。

安莊道中

丁養浩

畦田百疊鎖山腰。雨後流泉似海潮。青嶂午陰看飯犢。碧  
林秋靜聽鳴蜩。一簾暝色人歸市。半壑腥風虎過橋。更待  
月明刁斗動。滿天蒼碧夜迢迢。

經盤江次劉元瑞韻

杭淮

踰岡陟嶺兼多病。臘盡春來不記程。瘴水已知多客淚。窮  
山只是有人行。緣崖晝霧愁俱黑。觸馬春花眼一明。西蜀

安順府志

卷之三

藝文詩上

三

未知天下險。老夫筋力盡南征。

羅甸曲二首

楊慎

蠻樹不凋葉。蠻雲不放晴。長亭望不見。何處是查城。  
山圍羅甸國。水繞滴澄橋。橋下東流水。可惜無蘭撓。

送永甯許使君

李攀龍

邢州十月凋白楊。城頭出雲垂太行。把酒相看日欲墮。五  
馬踟躕大道旁。問君胡爲萬里去。小臣罪合投窮荒。我聞  
西南羅施國。風氣鬱塞殊陰陽。長官椎髻見朝吏。海蠻醉  
鼓橐中裝。男兒貴至二千石。何地不可稱龔黃。壯遊須令  
百粵盡。探竒更得浮沅湘。永甯雖惡無瘴癘。明年雨露生



還鄉。

初至永甯

許邦才

風塵誰自料。花鳥故相猜。問是山東客。何由萬里來。

盤江驛阻雨寄門人汪淮

徐中行

天連益部長多雨。路出盤江况毒淫。春早蟄龍蒸赤水。夜深山鬼嘯青林。已憐道遠妻孥累。更恐年衰瘴癘侵。吹笛袁生應好在。懷予堪和武溪吟。

過盤江

杜拯

泛泛盤江三月天。一篷瘴雨夜郎船。渡頭草樹雲垂鎖。袖裏檳榔客自憐。太液恩波勞夢想。劍池春水隔風烟。臨流

安順府志

卷之五

四

此際情何限。極目湘雲思渺然。

關索嶺

孫璽

萬里雲南路。三年始得歸。野梅渾破萼。官柳半垂絲。嶺峻盤空險。城尖疊石危。邊江據形勝。天畔控諸夷。

象鼻嶺

吳國倫

山形如象鼻。澗道擬蠶叢。筏渡千崖底。車旋萬石中。短亭微上月。鳴瀑遠生風。白髮悲行險。乾坤一轉蓬。

平壩

謝肇淛

愁雲三月風滿溪。一日一程西更西。鬼門關外無相識。頭白老鴉朝暮啼。



普定圓通寺登飛翠閣

謝三秀

振衣歷翠微。縹緲得飛閣。松風衆壑響。晝雨諸天落。漸暝鶴歸林。乍晴鐘徹郭。願言釋塵紛。於焉永棲托。

關嶺馬跑泉

謝三秀

絕壑聳丹梯。雄關百二齊。澗飛千尺雪。壁守一丸泥。蘿蔓冒猿臂。泉源出馬蹄。關山愁極目。烽火夜郎西。

夜宿西屯人家

謝三秀

西村襍被酒。初香寒逼莎。鷄漸入牀深。巷犬聲如豹。吠空田鶴影似人長。山樓笛起家家月。野浦砧殘夜夜霜。垂老生涯耕稼在。衡茅吾擬托柴桑。

安順府志

卷之三 藝文詩上

五

安莊夜聞警

謝三秀

鼙鼓中宵急。愁聞戰伐頻。數家出灰燼。一郡入荆榛。地亂難爲客。途窮恥傍人。披衣待明發。華髮鏡中新。

鐵橋告竣志喜

朱家民

牂柯形勢向雲盤。山插層霄萬壘寒。地險難容江立柱。神工止許鐵爲欄。人從蜃市樓中現。我在金鰲背上觀。三載胼胝今底定。伏波銅柱照巔岏。

鐵橋工竣次第建石城十一

朱家民

畫破青山路一條。走鞭飛鐵去來遙。礙天岩樹冬先發。鎖磴溪雲晝不銷。耕鑿止聞歌帝力。車徒不復畏兵驕。金湯



聯落皇輿。盡職何功。敢任勞。

渡盤江鐵橋

王錫亥

盤江始自武潯。洑。奔流萬里勢濼濼。兩岸雄關插碧天。一線羊場山截嶮。浪觸雲流倒瀉來。逆望澎湃無時輟。幾載舟人登擢艱。風急沿沂心膽裂。天生英傑拯民溺。獨創慈航志已決。對此江神誓此身。一片精誠鬼神徹。飛梯何須藉鰲背。金繩直嵌山之側。橫空貫索插雲蹊。補天絕地真奇絕。曾聞羅浮道士作浮橋。風雨薄蝕虞飄折。又聞飛閣用石鹽。百年那得堅如鐵。嗟哉我公為禹之功臣。奚止云商家之舟楫。祇今南北去住無望洋。直令萬禩懷明德。

安順府志

卷之三

藝文詩一

六

遊雙明洞

張瑞圖

誰於疊嶂中。闢此虛明境。山迴石壁峙。儼若列九鼎。四門森開張。萬象無遁影。碧潭凝其源。澄泓開天井。似聞睡龍鼾。兼愁佛骨冷。六月若清秋。炎觸失所柄。玲瓏若鳳穴。輪轉無停頃。此意非偶然。惆悵過夜永。

出普定

葛一龍

怪哉兼日路。坦坦無迤邐。居人不著土。結構山之巔。舉燮悞烽燹。辟穀餐雲烟。久處弗自異。行者目為仙。四序一氣候。常此黃花天。

雙明洞

黃閣



天外鍾佳勝。偏憐僻地開。懸崖鳴一鳥。虛谷響如雷。水自羣峯落。人從曲徑回。寄言車馬客。知否是仙臺。

讀鐵橋圖記

王思任

水折三江裏。橋飛百濮間。化民無訟獄。贈客有江山。制鐵龍能避。銷兵虎自閒。金城方略壯。常鎮九夷關。

渡鐵橋

楊繩武

屹立盤江滸。飛梁繫半空。九臯來瑞鶴。一澗飲長虹。翻浪鯨鯢吼。奔雲車馬通。我非題柱客。蹤跡感飄蓬。

同黃赤城訪高峯山

譚先召

峯高遙望思茫茫。結伴登臨倍感愴。實相難空身未度。淨

安順府志

卷之三

藝文詩上

七

生虛擲鬢俱蒼。山峯醉客濃於酒。樹色薰衣別有香。見說龐公專好佛。當來一念是慈航。

乙未過盤江橋

吳中蕃

禹跡所窮處。桑經未盡書。來從火墩腦。輸委沃焦墟。劃地千山截。縫空一線虛。纖腰谿窈窕。珊骨虹縈紆。若水同牽引。城廡異紡練。術因蛛網得。想自鵲巢據。金石交何固。鈞陶理或如。繫維驚水怪。繩戲躍仙好。濺沫難爲朽。奔濤自覺舒。飄飄真御氣。蕩蕩欲持裾。迺悟柔之勝。還思動不居。昔人勞創始。萬古險夸初。直欲身康濟。羞貽世拮据。念窮高岸後。力借補天餘。完毀疇能必。依資竟莫除。無煩鞭石



鈍。遂免望洋起。樞紐尊前範。遮闌驚後初。依然臨板屋。猶似在乘輿。飛跂凌鵬鳥。蠓蠕擁螂蛆。波紋分組練。鱗介被犀渠。麗寫潛虬窟。奇停過客車。還思度索險。應笑鎖江踈。

關索嶺歌

吳中蕃

關索嶺四十三盤纜及頂。行人初至北極觀。只道前頭路已盡。分明斲壁與梯天。隔斷華表幾歲年。鷄公象鼻摩白日。回看乃覺小於拳。翠壓眉稜不可望。人生偏欲攀援上。褫衣脫帽學蝸旋。寸進猶如逆風浪。咽喉每欲攫水霜。那能盛夏不揮漿。中嶺有泉甘露汁。人馬同奔一滴涼。英英廟食者誰子。粉面朱唇垂大耳。平輿之外索無聞。挂漏坐

安順府志

卷之三 藝文詩上

八

令疑壽史。漢室重延寄武鄉。可憐心力盡南荒。重兵良將曾餘幾。幾出徒然侈弩強。當時廟算豈真失。前門拒虎後進狼。左牽右掣天何意。不康炎鼎開遐荒。至今千二百餘載。黔風獵獵滇雲蒼。吾聞王者得此地。山失其高金失剛。此嶺雖云峙天末。何若終南與太行。慎勿自大稱夜郎。

關索嶺漢將軍廟

王珣

勞人節鉞已東流。父老相傳頌未休。史氏不妨多軼事。人心常自繫炎劉。巖關鑿翠因留姓。殺氣驚蠻未偃矛。獨笑漳河狐兔盡。黃髮何地有松楸。

當年閩外鼓南行。回首岷宮是未央。宛馬徒聞疲苜蓿。冽



泉今見浸花狼廟中有馬跑井但知臣節風霜苦。豈計勳名日月光。世道升沉皆有數。從他耳食史臣荒。

黔中曲

朱茂時

疊嶂曾無三尺平。盤江狹處鐵橋橫。短裙窄袖花蠻女。宛在鞦韆索上行。

書永福寺壁

楓潭

烏啼柝滿城。鐘靜漏初更。歲去青春減。愁來白髮生。宦途千折坂。鄉思一寒檠。奔走空皮骨。何人識古情。

盤江郵亭題壁

宋孝婦

孝婦宋氏。越金華人。學士景濂先生族也。適衢州進士守閩中。以他累死獄中。母妻編成金齒。宋途中作歌題

安順府志

卷之五 藝文詩上

九

於郵壁

郵亭咫尺堪投宿。手握親姑憇茅屋。曳薪就地支衾枕。交頭相向吞聲哭。旁人問我是何方。俛首哀哀訴衷曲。妾家祖居金華府。海道曾為二千戶。舉艘載粟大都回。金牌勅賜雙飛虎。兄弟晦迹隱山林。甘學從文不崇武。今朝玉堂宋學士。亦與妾家同一譜。笄年向嫁衢州城。夫婿好學明五經。離騷子史徧搜覽。志欲出仕甦蒼生。前春郡邑忽交辟。辭親千里赴神京。丹墀對策中殿舉。馳書歸報全家喜。承恩出拜閩中守。飄然畫舫西南去。到官未幾訪遺老。要把奸頑盡出掃。日則升堂治公務。夜則挑燈理文稿。守廉



不使纖塵污。執法致遭僚佐怒。府推獲罪苦相扳。察院來  
提有誰訴。臨行囊橐無錙銖。惟有舊日將去書。城中父老  
泣相送。道傍觀者咸嗟吁。一時徵贖動盈萬。妾夫自料無  
從辨。經旬苦打不成招。暗屬家人莫送飯。嗟嗟餓死囹圄  
中。旗軍原籍來抄封。當時祇望耀門戶。豈期一旦變成空。  
親隣憐妾貧如洗。歛銀殷勤餽行李。伶丁三口到京師。奉  
旨編軍戍金齒。阿弟遠送龍江邊。臨岐抱頭哭向天。姊南  
弟北兩相痛。別後再會知何年。開船未遠子病倒。求醫問  
卜皆難保。武昌城外野坡前。白骨誰憐葬青草。初時有子  
相依傍。心安且不憂家蕩。而今子死姑年高。縱到滇南有

安順府志

卷之三

藝文詩上

十

誰望。八月官船渡常德。促裝登途整行色。空林日暮鷓鴣  
啼。聲聲叫到行不得。上山險如登天梯。百戶發放來取齊。  
雨暗泥滑把姑手。一步一仆身沾泥。曉來走向雲中宿。神  
思昏昏倦無力。五更睡重起身遲。飯鍋未熟旗頭逼。翻思  
昔日深閨裏。遠行不出中門外。融融日影上欄杆。花落庭  
前鳥聲碎。寶髻斜簪金鳳翹。翠鈿鮮簇畫眉嬌。朱牀新繡  
雙蝴蝶。坐久尙怯春風饒。豈知一旦夫亡後。萬里遐荒要  
親走。半途日暮姑云餓。欲丐奉姑羞舉口。同來一婦天台  
人。情懷薄似秋空雲。喪夫未經二十日。畫眉重嫁鹽商身。  
血色紅裙繡綠襖。終日騎驢馳長道。穩坐不知行路難。揚



鞭笑指青山小。取歡但感新人心。那憶舊夫恩愛深。吁嗟  
風俗日頹敗。廢盡大義貪黃金。妾心汪汪淡如水。甯受饑  
寒不受恥。幾回欲葬江魚腹。姑存未敢先求死。前途姑身  
少康健。辛苦奉姑終不怨。姑亡妾亦隨姑亡。地下何慙見  
夫面。說罷傷心淚如雨。咽咽垂頭不能語。道傍過者爲心  
酸。隔嶺孤猿叫何許。

國朝

關嶺

彭而述

將軍遺廟噪棲鳥。攬轡青山日欲晡。短碣蝸涎苔剝落。虛  
堂鬼火樹凋枯。箕裘業著三分國。捷伐功成五月瀘。却喜  
山河蒙姓字。長留漢月接成都。

安順府志

卷之三

藝文詩上

十一

盤江橋

彭而述

鐵橋黑水舊知名。天險曾當百萬兵。試問臨邛持節客。當  
年何路入昆明。

頂箐

許延邵

新種瑯玕翠幾重。踈枝密葉縮清風。使星走馬紅塵外。刺  
史彈琴綠箐中。

初至平壩分堂視事

程瓚

叱馭空慚我馬隕。行來遍地盡蒿萊。傷心撫字憑誰寄。觸  
目淒涼助客哀。一片荒城鼓鬼火。數椽官舍滿蒼苔。低徊



底事難成睡。又聽秋風送雁來。

水月庵訪友

譚瑞

自昔繙經處。重來伴客吟。編籬花滿徑。傍水竹成林。鐘靜僧初定。情空境自深。留連溪上月。採取滌塵襟。

水月庵

唐肇健

茲庵饒野趣。四面俯漣漪。客少苔痕嫩。僧慵佛火遲。茶厨依水結。蓮座鑿山支。靜極晨昏候。梵聲雲外吹。

查城曲

林華皖

樹樹山楂子。蕭蕭頂箐城。四時常黯淡。祇聽暮猿聲。

盤江曲

林華皖

安順府志

卷之三

藝文詩上

十一

古渡千盤水。連雲一望城。守橋諸將在。枕劍聽江聲。

關索嶺

田雯

吾足右跛跚。一人纔餘半。畏登百尺樓。况復凌霄漢。茲嶺箭鋒直。勢傾一柱觀。花鬢疊似螺。嵐光鋪如練。鳥徑一綫垂。誰為假羽翰。泠泠清風吹。躡級倏無算。兩腋盪閒雲。籃輿張風幔。樹杪度午鐘。依微露僧院。昫昫竹嶼寬。泠泠泉珠灌。茶話已移時。坐久烏巾岸。格磔鳴不休息。逐山禽散。層層上上頭。峯冒明霞亂。古麈驚人跳。戍旗隔樹斷。小雨白氎濕。晚店清巔爨。高吟行路難。夜涼生寤嘆。

石花

田雯



號號三岔河。轟轟萬仞砦。劃然地勢開。烏川合一派。兩屋古所劈。峭立山不懷。清和四月半。湍流忽滂湃。斑斕石上花。初發卷如蠶。望之塗朱紅。晴霞落天外。奇葩三五多。小者復漸大。十里百數叢。赤城冑青靄。或圓如羽輪。或高如鸞旆。經旬色微黃。淡寂餘殘瀨。天女采之去。辨菴不可巧。水漲畏蛟鼉。觸舟多水怪。洎夫水落時。花空已難再。石青壁。蘇光離離無根蒂。獨於遠眺宜。巨靈何狡獪。

習安山水佳。紅溪抱綠岑。無如石花奇。疑是優曇林。安得凌首夏。洄溯一相尋。挈烟駕魚艇。泛泛斜陽沉。馮夷息浪鼓。高柳鳴幽禽。繫花衣帶間。紅霞滿清襟。汲水胭脂井。晚

安順府志

卷之三

藝文詩上

三

炊還孤斟。月上沿屋行。往聽三潮音。

啞泉水深二尺許。大旱不消。大雨不長。

田 襄

一竇沄沄碧沼連。直從石壁瀉潺潺。世情不欲多饒舌。拚得山腰飲啞泉。

豬場晚眺

黃 皚

回岡入眺晚蒼蒼。亂石雲峯落筆床。庭樹半涵丹鼎色。瓶花全照玉芝香。一聲牧笛下秋隴。幾處漁歌出野塘。最是愁人聽不得。孤鴻嘹唳足悲涼。

梵刹巖

黃 皚

城南水木湛清華。曲徑橫橋小寺遮。山壓女墻流翠黛。雲



鋪危石露嗟呀。平疇自足三時。雨野圃能開四季花。最是幽人棲隱地。何妨城市飽烟霞。

關嶺

許纘曾

驅車萬仞白雲邊。遙憶南征第幾年。躍馬乍開蠻瘴癘。鳴刀親記漢山川。秋風九月搖新籜。石碣斜陽閉毒泉。今日諸羅俱作使。廟門清闕寢狼烟。

宿項站

許纘曾

歷盡千峯路轉迷。行來復上最高梯。黃昏漸訝長庚近。夜半還看北斗低。九月披裘遮甕牖。千年零雨濕山溪。登臨莫話重關險。

安順府志

卷之三

藝文詩上

十四

聖德於今到水西。

盤江

程封

盤江中斷鐵橋開。乍見心驚首欲回。誰遣鬼工排鳥道。直教天塹走龍媒。如雲戍卒防秋去。盡地金錢餉轉來。聞說波流通緬甸。河源萬里令人哀。

明殉難江津知縣梅君夫人李氏守節詩 李天馥

黑雲壓城城欲崩。城外旌旗車馬轟。天地黯慘無顏色。長戈大戟弓刀鳴。江津四野聞鼙築。守令精忠貫白日。捐軀慷慨報君恩。那得慇懃念家室。恍恍安順李夫人。挈家携幼中途失。倉皇死易立孤難。中宵飲泣摧心肝。烏啼月落



鏡吹急。霍唳風聲。夜色寒。栢舟幾載。凌冰雪。機杼聊以佐  
盤餐。况復罷舞階。除下趨庭手。自搏熊丸。卽今華國拖青  
紫。地下相從報夫子。閨閣姓名聞闔闔。知一代彤管光青史。  
長歌短詠氣如生。節義千秋原不死。我來披卷讀未終。燕  
臺颯颯悲風起。

明殉難江津知縣梅君夫人李氏守節詩 宋如辰

九死歸來血淚枯。那堪松菊又荒蕪。一身艱苦絲先澤。再  
世詒謀在簡書。報國忠魂留慷慨。傳家清節倍勤劬。只今  
大義垂青史。含笑相逢地下無。

明殉難江津知縣梅君夫人李氏守節詩 王奐曾

安順府志

卷之五

藝文詩上

十五

抗節捐生易。立孤瀕死難。兵戈千里阻。襁褓一兒安。仗義  
存宗苦。全名任髮殘。黔南一片月。長照寸心丹。

明殉難江津知縣梅君夫人李氏守節詩 彭會淇

瀝血存孤志。難忘阿母勞。危巢風雨護。遠道亂離遭。白髮  
丸熊膽。青霄拂鳳毛。貞松一千尺。應傍五雲高。

明殉難江津知縣梅君夫人李氏守節詩 惠周惕

變彼閨房秀。能將名教扶。半生雙血淚。萬死一遺孤。行實  
傳封事。門閭入郡圖。詩人有新什。可備采風無。

明殉難江津知縣梅君夫人李氏守節詩 宋敏求

戎馬藜中事最哀。鏡鸞塵觸不飛回。孤燈落盡崩城淚。難



賦招魂到夜臺。

轉徙驚魂已暗傷。空闌孤影照秋光。要知化石肝腸苦。紅泣年年樹上霜。

明殉難江津知縣梅君夫人李氏守節詩 沈朝初

君不見巖孔之山高百尺。中有秀氣常鬱積。篤生席上璠璣姿。風高鶚薦橫秋翼。百里專城居上頭。數邁陽九丁百憂。城亡與亡志激烈。睢陽大節真堪儔。其時仙李誠良偶。倉皇慟哭間關走。風塵賸有掌中珠。晝伏深箐夜襁負。腰間挾刃快如霜。能教魑魅白日藏。誰言禹鼎逢不若。母節真同百鍊鋼。滄桑歸去問家室。室無一壁家徒立。指上淒

安順府志

卷之三

藝文詩上

六

淒淚血多。閨中軋軋機聲急。藐孤相對同酸辛。蓋荻艱難最愴神。不必丸熊勤可助。珪璋琢就便驚人。分符昨出太行道。有澤如春應如草。清風直比范萊蕪。蓋世循良聲譽早。汗青自古不虛傳。臣忠母節照簡編。更有輿碑同不朽。直教世美邁前賢。

明殉難江津知縣梅君夫人李氏守節詩 喬士容

當年妖彗張干戈。蜀黔士女皆奔波。夫死封疆子在抱。子然一髮依山阿。夜吸草萊之餘瀝。晝伏岩穴之垂蘿。山鬼辟易豺虎遠。精神自有靈神呵。毀貌剪髮覓故土。形容憔悴心欲腐。殘篋搜求有遺編。夕陽四顧無環堵。未亡人復



何所戀。哀此孤兒宗。祧主忍淚且教讀。父書夜夜機聲和。  
風雨子既成名。母意足下報。泉臺無所苦。里閭爭傳黃鵠。  
節花縣新騰雞鳳羽。咫尺

繪音褒女宗。爲發幽光光世譜。

明殉難江津知縣梅君夫人李氏守節詩 高其倬

百川日亂流。節義賤如土。丈夫無忠孝。何況於婦女。東平  
半歲別一雁。下秋空。示我梅母傳。作者郟陽公。整襟再拜  
讀。讀罷起長嘆。女之嬰杵臼。可以羞衣冠。慟哉殉夫節。萬  
死存孤義。留此方寸丹。耿耿畢天地。西京三禮賦。東家五  
父衢。含笑見江津。雙節凌衡廬。吾黨慕義人。名章斐然作。

安順府志

卷之三 藝文詩上

七

續貂及腐儒。俛仰愧以忤。三綱首夫婦。五倫先父子。生人  
各有事。大哀在心死。嗚呼孝乃子。嗚呼忠乃臣。寄語同學  
者。無徒咏婦人。

馬跑泉

鄂爾泰

嶺開傳漢代。樹老自何年。寺出層雲外。泉流古佛前。落花  
浮澗水。飛鳥破溪烟。獨坐幽篁裏。悠然息衆緣。

觀白衣河瀑布歌

鄭若伊

君不見廬山高。高插天天際。挂飛泉。終年雲氣長。遮護不  
使奇景數見。將不鮮。黔中山水多。猥惡。路轉峯迴。因行脚。  
山靈爲我開。奇觀鞭起千蛟飛。斷壑水欲立。兮山欲崩。撼



地軸兮翻天根。洞庭涇河來酣戰。浩瀚蒼莽鯨鯢吞。奪得  
天孫白匹練。飛綻玉梅花萬片。不比錢塘潮。空負錢王箭。  
雲黯淡。雨簾纖。洞壑中虛羽客潛。凌空倒挂水晶簾。隔斷  
紅塵不得到。瓊樓十二玉爲簷。我欲學長生。靜觀飛瀑銀  
河傾。我欲泛斗牛。恍然叱咤鬼神驚。吁嗟乎。此景世罕有。  
急沽香醪飲百斗。醉後詩成潑墨傾。淋漓臥聽噌吰澎湃  
四壁蒼龍吼。

鐵索橋

鄒一桂

豈徒騎馬似乘船。鐵索橫橋欲上天。正是扶風搖不定。怒  
濤飛吼起龍眠。

安順府志

卷之三

藝文詩上

六

閩重九安順考棚口占

鄒一桂

來日題糕貴嶺旁。棘闈今日又重陽。何當山郭兼旬雨。滌  
遍農家九月場。

天與秋光歲月寬。葛巾原不礙儒冠。一行鼓吹簪花去。好  
作茱萸插髻看。是日發落生童

雨後新晴日色妍。薄寒風近小春天。黔中遍是登高地。難  
得重開落帽筵。

查城卽事

謝庭薰

手撥查城霧。新開頂箒天。瑤琴歌一曲。餘韻滿山顛。

關索嶺

高文良  
蔡琬



山從絕域勢遙分。天限西南自昔聞。烽靜戍樓狐上屋。風喧古木鶴驚羣。橫盤石磴危通馬。深鎖雄關冷護雲。叱馭昇平猶覺險。揮戈誰憶舊將軍。

千峯山留題

吳壽朋

今夕投禪榻。肩輿昨日過。路昏兼雨阻。山峻受風多。忙裏尋僧話。毫端現刹那。莫談空色相。辛苦整農蓑。

橡繭十詠

程恩澤

種橡橡隨在可植三年枝葉蔚可飼蠶飼後種橡休一年老則充薪炭新肄出仍飼蠶種樹三年成。三年莫嫌遲。今日一丸泥。他日千鈎絲。將絲比薪炭。何啻萬倍為。黃金在枝頭。巧者能取之。

安順府志

卷之三 藝文詩上

十九

窖繭以綫貫秋繭懸密室溫以火窖繭蛾出配乃孕不斷火子易出

窖繭如窖花。蛹臥小天裏。不知春風來。但覺臥欲起。雄雌皆蛾眉。生子眇難視。一朝能上高。萬緒從此始。

春放蠶子既出承以橡枝葉於筐春放蠶能自上即取枝葉縛之樹

越孃急蠶食。意欲親乳哺。黔孃忘蠶功。一任飽風露。得繭大於甕。不顧越孃妬。回頭笑嬾婦。歌舞博紈素。

秋放蠶春繭就暖蛾自出配乃孕以絲兩頭秋放蠶繫兩蛾巨橡樹間即育子著枝葉

秋蛾似胡蝶。置之高樹巔。一繩繫兩雌。其情不相連。出殼葉漠漠。裊絲頭娟娟。當其未成時。晝夜防未然。

毆蠹害蠶者鳥也蝨也春秋之晝須毆鳥秋夜須毆蠹毆各野蠶先於柘館故古有為蠶毆雀之官



鳥曰予口甘豈惜人之寒鳥栖蝨又來蠶乎良獨難畏響  
毆以析避形毆以竿持謝鳥與蝨竝生天地間

移枝葉盡蠶未飽剪枝  
移之他母驚蠶

葉葉做如絡蠶蠶饑不禁翦枝縛他枝移家綠雲深聲若  
驟雨來蕭蕭風一林蠶孃未入山常懷已饑心

煮繭繭成投熱湯入菘灰汁乃熟乃繰之繭不能  
生也或曰蠅混沌無知故昔人無採蠅法

功成赴湯火幸在混沌時繭剛可使柔絲斷難重治水凍  
渥以灰古法存於斯齊統不十年越羅風淒其

上機絲值莖繭網值倍絲  
功成矣如績學然

絲值篔簹值織成金滿屋燈火連晨星伊軋擾夜讀上充

安順府志 卷之三 藝文詩上 二十

公姥襦下剪兒女服衣郎郎不著願換來春穀

利無竿橡可衣可  
食地寶也

橡粉可療饑橡斗可染皂老枝薪且炭新肄復蠶飽一物  
備衣食地乃不愛寶黔富甲天下居者殊草草

永不稅民趨利避害永不  
稅乃可與圖始

購種與教蠶瑣瑣皆官貨焉忍復征權如父謀其兒有衣  
耀寒暑有金充棟楣土沃民轉勞民勞勞則思

種橡 吳榮光

種稻三時勞種橡一鋤力况土不宜禾磽瘠橡可植植成  
葉泥泥用以供蠶食黔民勤且懼胡弗事絰織



窖繭

紆織夫如何。始事窖秋繭。寒來知屋深。暖至知春淺。雙蛾起累卵。瑟瑟復蠕蠕。昨夜東風多。枝頭新綠展。

春放蠶

新綠復新綠。忽忽今三年。我有八育種。汝有九春天。借汝一枝春。引我萬絲纏。枝上日漸高。且莫驚蠶眠。

秋放蠶

蠶眠又成繭。秋事繼自今。問我何所事。秋蛾已滿林。蛾子下如雨。風露相蕤森。千啄萬連蜷。耽窺奈飢禽。

毆蠹

安順府志

卷之三

藝文詩上

三

飢禽復胡為。重以螽緝緝。安能去之逃。色斯舉不集。我欲衛其生。豈必傷汝及。春深與秋影。中有人獨立。

移枝

獨立人再思。葉盡防空枝。就食但求飽。守株難為飢。今日碧雲合。昨日碧雲離。碧雲去復回。相送老不知。

煮繭

繭老絲始成。繭熟絲始出。以身殉其絲。衣被及萬室。我繭一灰柔。汝繭三絲密。密買絲人或來。各念保素質。

上機

素質豈不貴。終日歌七襄。大姑織袿被。小姑織裙裳。更有



機前人。夜讀聲琅琅。秋燈勿辭勞。已免春來筐。

利無竿

春光何但免成繭。勞逸判。回視吳越蠶。功倍而事半。况彼樹有實。園收未貧歎。肆者汝洗染。朽者成薪炭。

永不稅

山炭與山蠶。俱不入課則。

聖恩

寬邊隅。重戒盡民力。塗畬賦本輕。微末何足殖。寄言循良吏。慎勿擾作息。

種橡

宋如林

蒺藜不可植。桃李非美利。橡葉比柔桑。民生賴以遂。石隙

安順府志

卷之三

藝文詩上

三

與崖頭敷榮。不擇地。三年即有成。不必十年識。

窄繭

造物不可測。陰陽蘊生理。蛾可以為蠶。寒煖關生死。吳孃藏斗室。溫和在經始。黔人易以窄。蠶生亦如螳。

春放蠶

采采遠楊枝。筐鈎不容歇。燥濕候其時。吳儂力已竭。何如放樹間。生意自勃勃。三眠人不知。已過春三月。

秋放蠶

習習秋風來。大田收百穀。東作至西成。辛勤恐育鞠。放蠶易為力。功成在信宿。談笑語三農。我蠶亦兩熟。



毆蠹

遊禽宇宙寬。偏喜就林薄。謀食傷我蠹。何容肆其虐。不必朝設罟。不必暮擊柝。垂鈎有長竿。用之以毆雀。

移枝

彼美石間樹。橡葉何歲蕤。蠹食葉歛盡。喜有連理枝。本不畏風露。移之久相宜。蠹馬不行空。遷徙在及時。

煮繭

生自覓新葉。死亦甘沸水。生死皆化工。用以供羅綺。試聽軋軋聲。南邦風味美。繰絲事所同。黔民應色喜。

上機

安順府志

卷之五十五 藝文詩上

五縑不成束。入市價已強。蜀錦與吳綾。顏色生輝光。野蠶古所貴。紡織亦雲章。機杼若未備。售絲計亦良。

利無竿

去歲吳越水。飢蠶棄村疇。桑林臥泥塗。居民生憂懣。黔山無水患。黔地多和暖。歲歲理新絲。信矣利無竿。

永不稅

藏富貴在民。民富卽爲寶。樹藝卽有式。學步休草草。芟荷與壁。不如蠶絲好。黔民果念茲。春色盈山島。

種橡

張經田

購子盈斗。播種盈畝。毋曠爾土。毋游爾手。種橡利普。爭光



恐後轉瞬三年。綠滿郊藪。蠶食以足。保汝繭盈缶。

窖繭

花以烘開。蟄以雷起。惟蛹在繭。混沌未啟。迺懸之高。迺藏之裏。莫斷其火。乃見蛾子。爰配以偶。卵育紛如螳。

春放蠶

椽枝亭亭。其葉青青。吁嗟蠶子。欲哺愁其嬰。迺取筠籠。貯葉層層。取我蠶苗。繫彼中林。蠶飢求食。蠕蠕樹上行。

秋放蠶

繭出春蠶。先天氣和不假火。溫早見雙蛾。生子林間綴葉盈柯。爰求其食。蟄蟄孔多。春絲方售。待看秋如何。

安順府志

卷之三

藝文詩上

三

毆蠹

瞻彼中林。去其蠹賊。豈蠹與鳥。毆之無術。仁育萬物。勿鎗勿弋。以析以竿。俾自逃匿。鳥飛蠹絕。感茲好生德。

移枝

蠶不擇樹。惟食是依。視彼長林。榮落攸殊。此沃其葉。彼濯其枝。剪枝就食。一飽可期。譬如樂土。何憚乎遷移。

煮繭

盛繭盈筐。其光油油。熬以菽灰。載沉載浮。蛹睡方酣。長夜是游。魂飛湯火。澤遍遐陬。功成菹醢。亦淮陰侯。

上機



縑絲成軸。紅女上機。織織其手。皎皎其絲。爰擲金梭。左之右之。機聲軋軋。夜漏遲遲。織成縑素。爲襦爲衣。

利無竿

天子有道。地不愛寶。橡樹森森。利用不少。粉以充饑。斗以染皂。爲薪爲炭。莫遺其老。條肆復新。俾蠶食飽。

永不稅

天子仁聖。多賑少徵。豈以區區。追呼擾民。絲多爾富。絲少爾貧。貧富之分。由爾惰勤。爾如不信。視彼播人。

貞女楊氏殉節詩並序

貞女鎮甯州之雨窩橋人。父楊順。貞女其次女也。少許

安順府志

卷之三

藝文詩上

三五

字文童。李發秀爲室。兩少未婚。嘉慶十年秋七月。李氏子病逝。貞女年十六。聞訃號請於父曰。女爲李郎婦。曾未得一見顏面。當往視含斂。夫貞女之心。豈在含斂哉。蓋以生爲李氏婦。死爲李氏鬼。意在憑棺一慟。卽殉於李氏子。靈石使李之親若族。咸知亡人之有貞婦。爲之承祧立後。則其夫死猶不死也。廼父之不省。致女隱忍。以自沉於水。悲夫。死之後。屍就汨沒。越三日不得。李氏子之女兒。焚香撒米。沿堤呼祝。許以同葬。屍遂浮出。顏色如生。豈其志氣堅貞。形神凝固。不卽於朽壤歟。抑精靈上格。神物爲之呵護歟。於是鄉之人敬其人。異其事。



遠近流傳。芳聲未替。越二十餘載。歲次丙戌。督學使者許滇生侍講訪其事。得其實。捐廉爲邑人倡。勒石記之。所以闡潛德之幽光。爲鄉邦之表式也。旋省後爲余述其事。因援筆而序之。并附以詩。

瞻彼中林。鳥依其匹。嗟哉亡人。實爲我特。壹與之齊。千秋一日。雖未結其禱。我心如石。解紅絲。旣纏抱。柱信堅。願言含歛。志切憑棺。父不諒我兮。更誰與言。舍生取義。以身赴清泉。解石沉於海。聲消跡滅。就淺就深。求之不得。詎葬魚腹。抑陷蛟窟。父兮母兮。臨流飲泣。解焚香。撒米以祝。以呼許與李郎。合葬郊墟。流水湯湯。清風徐徐。冰膚玉貌。宛在

安順府志

卷之三

藝文詩上

三六

水一隅。解精氣格天。維神呵護。魄散魂離。顏色如故。爰葬於野。觀者如鶩。連理枝成陰。鴛鴦巢其墓。解殺身成仁。扶綱立極。志士仁人。乃在中幃。輜軒采風。捐金勒石。旌厥門閭。爲斯民則解。

橡繭十詠

劉祖憲

種橡

種穀年一收。收亦難盈庾。礫石不可耕。耕之亦徒苦。嗟我平壩民。坐棄此瘠土。唯橡土所宜。胡弗萬家樹。

窖繭

天地氣細縕。羣生皆託始。蛹臥小屋中。亦具化醇理。氣寒



生不蕃。氣暖生無已。密室火薰蒸。造化洪爐似。

春放蠶

嗟哉我貧民。卒歲衣無襪。起此日遲遲。布穀催未急。檢取附枝蠶。分送枝南北。繞樹綠雲微。轉瞬霜盈植。

秋放蠶

七月火西流。萬物多蟄伏。相彼再熟蠶。煦煦當秋育。一絲繫兩蛾。生子尤簇簇。豈獨受氣奇。實亦民之福。

毆蠹

禾苗苦螟螣。蠶豈獨無苦。蝨能戕其生。我則納諸罟。鳥欲肆其貪。我則攻以鼓。問余何惡斯。此是蠶之虎。

安順府志

卷之三 藝文詩上

移枝

養蠶如養民。民自食其力。蠶若怒調。饑唯有殭而直。所貴養蠶人。已饑常惻惻。移枝若移民。勿使饑無食。

煮繭

吐盡口中絲。功成身乃失。鼎鑊風來香。聞之或心怵。我思歐絲人。卽是古良弼。衣被及萬民。身死非所恤。

上機

明月上高樓。機杼鳴清夜。問汝一何勤。夜深機不下。自言新種橡。質絲得高價。語罷風蕭蕭。書聲出茅舍。利無竿。



昔日作柴薪。今日成素縞。新絲好縫裳。餘帛換香稻。瘦土不宜禾。乃得三盆縲。縲縲是黃金。地真不愛寶。永不稅。

我

皇重邊疆。歲糜百萬數。入吏廣。

皇仁為汝謀。襦袴豈有衣。汝衣而令汝出賦。保障我未能。繭絲汝無懼。

種橡育蠶。煮絲織繭。凡四十一法。今各為詩。

橡利第一

青桐利益最無疆。子可療飢。皂染裳。莫把嫩枝作薪炭。山

安順府志

卷之三

藝文詩上

三

桑利不亞家。桑

辨橡樹第二

種時同一費工夫。絲少絲多便有殊。若使遍山皆細葉。橡

大葉細葉數種而細葉尤佳管教一繭重三銖。

窖橡子第三

橡子如何怕見風。從來風氣慣生蟲。風氣生虫故風要他

箇箇生無已。挖窖埋之法最工。

擇土第四

田欲肥饒。土欲腴。青桐偏不喜泥塗。莫言土瘠非為寶。種得黃金樹萬株。



種橡第五

種橡何如種橡秧。牛羊踐履可無傷。問余千種何干活。順插根芽法最良。

種橡兼種雜糧第六

橡樹新栽隙地多。兼將豆麥種山阿。春蠶未熟人猶飽。試問山農識得麼。

畜橡第七

畜橡猶如畜稻梁。草根如茅橡如稂。更將落葉勤澆糞。一橡栽成抵擔糧。

斫橡第八

屢經翦伐樹無枝。枝禿因教葉不滋。若要叢生枝葉茂。條枝斫去莫遲疑。

恤橡第九

幼橡難經兩季磨。當尋別處去通那。今春放過秋須歇。葉茂枝繁繭愈多。

擇種搖種第十

四指中間試重輕。或搖耳畔聽其聲。欲知種有雌雄別。偏正圓長仔細評。

脩理烘房第十一

天地網縕物化醇。烘房火候亦稱神。莫言此火祇薪炭。妙



手能回九地春。

穿種上晾出蛾第十二

形如雀卵勢長圓。繭脚無絲要淺穿。再向烘房調火劑。羣蛾展翅樂翩翩。

烘房火候第十三

烘種如何匠石掄。陰陽大小火宜勻。再將春氣分遲早。萬樹歐絲白似銀。

捉蛾配蛾折蛾數蛾第十四

情蛾蛺蝶兩相隨。氣候祇宜十二時。若使過時與不及。頓教生意一時澌。

安順府志

卷之三

藝文詩上

三

伏卵出蠶第十五

生生不已理無窮。無限生機在個中。一母孳生百廿子。天蟲蠶為到底勝斯蠶。蠶一生九子

祈蠶第十六

東西棚上拜諸神。白粥油鹽次第陳。水毀木饑雖定數。祈天天自愛斯民。

禦風雹法第十七

天定勝人人勝天。暈隨灰缺古今然。淮南子畫蘆奇門有此回天術。傳與吾民作善緣。

占蠶及繭之成熟第十八



卯赤頭紅瑞應奇。若逢棚旺鳥先知。數般占驗人皆識。我獨時時時雨期。

分棚第十九

此繭如何多數千。只因棚小力能專。將蝦釣鯉君知否。莫惜分棚些少錢。

計本息第二十

從來子母貴兼權。三倍人稱大賈賢。但使四時調玉燭。一株橡樹一坵田。

春放蠶第二十一

蠕蠕子子繞柔枝。日暖風和始得宜。若使連朝陰雨密。嫩

安順府志

卷之三

藝文詩上

三

枝摘飼莫遲遲。

毆鳥毆猴第二十二

幾微生氣怕傷摧。飛爆騰空響似雷。翔集不教驚破膽。析聲敲歇復飛來。

移枝第二十三

作繭如何絲不窮。移枝端的賴人功。長條可縮須停剪。莫使柔枝一樹空。

三眠第二十四

蠶當眠盡屈難伸。息氣凝神自化身。漫道神仙能辟穀。一番辟穀一番新。



蠶病第二十五

發斑空肚病由人弔購祇因雨匝旬。若使天和能感召五風十雨自頻頻。

收繭收種第二十六

萬斛珍珠萬樹垂。半年辛苦喜歡時。為絲為種勤分辨。轉瞬秋蠶又上枝。

炕繭第二十七

綢緞傷蠶心不安。半因熏繭近於殘。朱閣婆國以綢緞傷也。須知生殺皆天道。秋肅春溫一例看。

晾種第二十八

安順府志

卷之三

藝文詩上

三

繭方離樹未全乾。殼內漿糊蠶所吐漿也殼外寒。或取於陰天氣

要使隔簾風氣透。莫教繭殼濕成癥。

秋放蠶縛枝第二十九

枝頭一線繫雙蛾。似比春蠶費不多。要識秋時多病熱。向陽樹下莫蹉跎。

毆蚱蜢毆蜂第三十

纔看飛鳥下平林。蚱蜢狂蜂復浪尋。一縷一絲皆命脉。那堪蟲賊屢來侵。

煮繭取絲第三十一

千頭萬緒亂紛紛。抽得絲頭便不禁。天滾紡車流水似。日



斜猶有繭香聞

導筭第三十二

兩車旋轉快如風。無數冰絲上導筭。從此七襄成織錦。東人杼柚不會空。

套繭第三十三

套繭纒絲處處忙。都云販繭可爲裳。從茲指上添生活。賺得絲絲入錦筐。

絡絲第三十四

輕風軋軋度窗紗。萬縷柔絲上絡車。最愛一枝斑管轉。有人看到夕陽斜。

安順府志

卷之三

藝文詩上

三

攢絲第三十五

一絲攢合兩三絲。綢織雙絲此恰宜。一架手車容易轉。最難學是上筭時。

絡緯第三十六

四壁風清絡緯鳴。閨中懶婦不須驚。任渠起坐兼行故。一都能信手成。

牽絲第三十七

手握柔絲百道纏。往來牽掛貴無愆。此中妙巧誰能悟。交手三叉有秘傳。

扣絲第三十八



千絲萬緒亂紛陳。梳剔如何得盡勻。看到絲絲齊入扣。方知妙手有經綸。

刷絲第三十九

八尺經絲縮轆轤。一番梳刷有工夫。更憐匹練光如許。猶問經絲錯也無。

再扣絲繫綜第四十

再將竹扣手中披。扣畢還須綜繫絲。綜馬綜籤珍重細。莫教兩綜有差池。

上機度梭成綢第四十一

上農夫食九人多。衣被全家利過他。客語深閨諸少婦。日

安順府志

卷之三

藝文詩上

三十四

長無事莫停梭。